

太平寰宇記

第二十一冊

太平集字記

卷二十一

太平寰宇記卷之八十

劍南西道九

霸州

拓州

恭州

嵩州

保州

眞州自拓州以下並廢

霸州

霸州

靜戎郡今理安信縣

唐天寶元年因招附生羌置靜戎郡

便以羌附酋董嘉俊爲刺史領七部族把蕃卓子

孫相繩不絕乾元元年改爲霸州本屬隴右道永

徽以後割屬松州都督入劍南道皇朝乾德三年

西南南戶首領兼霸州上表內附

領縣四

安信 牙利 保寧 歸化

四至

東北至東京

缺

東北至西京四千里

東北至長安二千三百里

北至繩橋有路駱駝撫山連桃溪谷至蕃州去州

一百里

戶

唐開元戶五百七十

皇朝戶漢一百七十餘外竝蕃戶

風俗

部族男兒氊帽青毛爲衫袴緋毛爲襦胡盧靴婦人戴阜綾二尺如扇子用竹作扇骨衣青毛衫單著青毛裙不著袴

人物

無

土產

散麝香

安信縣

去州二十里二鄉

在鉢南村置

牙利縣

去州五里三鄉

在小聶山上村置

保寧縣去州三十里三鄉在質臺村置

歸化縣去州西北四百里一鄉在移村置已上四縣並與郡同

置各有部落主持俱無徵科 質家湫在州北八

十里其水流下桃溪谷至西川 大聾山又有小

聾山在州西北一十里號苻堅城

拓州

拓州蓬山郡今理拓縣唐永徽年置拓州以開拓為稱天寶

元年改為蓬山郡乾元元年復為拓州本屬隴右

道松州都督後割屬劍南

領縣二

拓縣 喬珠

四至八到

東北至東京三千六百三十里

東北至西京三千二百一十里

東北至長安二千二百六十里

東至靜州三十里

南至維州三百里

西至郡內長碕鎮九十里

北至恭州柏嶺八十里

東南至成都府七百里

東北至松州二百六十里

戶

唐開元戶四百

風俗

同當州

土產

酥 黃連 麝香 當歸

拓縣

二鄉

喬珠縣

西五十里一鄉

以上二縣與郡同置

恭州

恭州

恭化郡今理和集縣

唐開元二十四年分靜州廣平縣置

恭州仍置博恭烈山二縣天寶元年改爲恭化郡

乾元元年復爲恭州本屬隴右道後割屬劍南道

領縣三

和集 博恭 烈山

四至八到

東北至東京三千五百七十里

東北至西京三千一百五十里

東北至長安二千二百九十里

東至拓州界三十五里

南至維州三百三十里

北至吐蕃白山鎮七十五里

又北至故洪州三百七十里

東南至茂州三百五十里

西南至平戎城一百一十里

西北至柏嶺鎮四十里

戶

唐開元戶一千一百八十

風俗

同拓州

土產

同拓州

和集縣

二鄉

舊廣平縣屬靜州唐開元二十四年於縣

置恭州天寶元年改爲和集

博恭縣

東三十五里二鄉

唐開元二十四年分廣平置

烈山縣

東五十里二鄉

唐開元二十四年分廣平置

嵩州

嵩州

越嵩郡今理越嵩縣

本益州西南外夷地秦時略通五尺

道漢始立爲邛都國故史記曰自滇以北君長以

十數邛都最大是也至武帝始誅邛君并殺柞侯

冉駝之戎等皆震讐仍以邛都之地爲越嵩郡屬

益州部以鎮之按郡有越水嵩水皆出深羌界南

歷本郡焉言越嚮者以彰威德也故名越嚮郡後漢至晉宋皆因之不朝貢故十道志云魏晉以還蠻獠恃險抄竊乍服乍叛是也至齊彼夷長或來納款因爲越嚮獠郡以統之後周武帝征越嚮又開其地因立嚴州取其嚴敬爲稱隋開皇四年改嚴州爲西寧州十一年又改爲嚮州隋末又改爲越嚮郡唐武德元年改爲嚮州領越嚮邛部可泉蘇祁臺登五縣二年又置昆明縣三年置總管府管一州貞觀二年割雅州陽山漢源二縣來屬八年又置和集縣天寶元年改越嚮郡依舊都督府

乾元元年復爲嵩州至德後沒入蕃貞元十二年復之

領縣九

越嵩 臺登 蘇祁 昆明 邛部 陽山 會

川 蜻蛉 弄棟

四至八到

東北至東京

缺

東北至西京四千九十里

東北至長安三千二百三十里

東至于費生蠻二百三十里

太平寰宇記 卷之八十一
南至姚州界五百六里

西南至磨迷生蠻六百六十里

戶

唐開元戶四萬七百二十

風俗

尙骨卜刻木爲信火葬而樂送以鼓吹爲送終

木耳夷死積薪燒之烟正則大殺牛羊相賀以作
樂若遇風烟旁散乃大悲哭

濮夷九州要記云在郡界千里常居木上作屋有
尾長二寸若損尾立死若欲地上居則預穿穴以

安尾

文夷按九州要記云嚮之西夷人身青而有文如龍鱗生於臂脛之間將婚會于路歌謠相感合以爲夫婦焉又有穿鼻僮耳種瘴氣有聲著人人死著木木折號曰鬼巢焉

土產

絲布 五味子 麩金 及牛

按博物志越嚮郡有牛稍割取

肉經曰必復生即故玄中記云割而復生名曰及牛

木多松柏有斯難樹

生子大如瓜味酸可生食 有龍目樹似荔枝

有槿木可以爲布

越雋縣

六本漢邛都縣地

隋開皇六年分邛都置越

雋縣屬西寧州十八年改爲雋州縣仍屬焉此地

有越水雋水爲名陷河後漢書西南夷傳武帝

初置邛都縣無幾而地陷爲污澤因名爲邛池南

人以爲邛河三苑後漢書安帝紀云永初六年

詔越雋置長利高望始昌苑是也元馬河中有

俱于銅船以羊祀之則可取也荏自漢書以下

至州郡圖籍凡言荏者卽此土夷人於大水之上

置藤爲橋謂之荏故曰邛荏黑水杜甫詩云雲

深黑水遙是也漏天春夏常雨故曰漏天石

室山按九州要記云山在汶江之北昔樵人王質
入山見二仙人圍碁質乃坐斧而觀二仙棋訖質
亦起見斧柯已爛方悟是二仙人 鸚鵡山山多
鸚鵡得名 麻山山有麻能解彼瘴氣之毒故曰
麻山 奴詒城諸葛武侯征蠻築以憩軍之所

臺登縣

西北一百二十七里五鄉

漢旄牛縣地屬邛都國按九州

要記云臺登縣有奴詒川鸚鵡山黑水若水閒出
其下卽黃帝子昌意降居若水卽是此邑又十道
志云隋仁壽四年罷大渡鎮置登州大業二年廢
登州又立陽山鎮唐武德元年改置陽山縣屬登